



Тулүш Чылас Барзын-оолович

1938 чылдын октябрь 15-те Сүт-Хөл
кожууннун Хор-Тайга (Ишкин)
сумузунун девискээри Шом-Шумга
бөдүүн арат Түлүш Барзын-оолдун өг
-бүлезинге төруттунген. 1946 чылда
Сүт-Хөл кожуннун Хор-Тайга эге
школазынга өөренип киргеш 1950
чылда дооскан. Улаштыр 1956 чылда
Суг-Аксы суурнун ортумак школа-
зын дооскаш, Кызылдын көдээ ажил-
агый техникумунга бухгалтерия сал-
бырынга өөренип киргеш, дооскан.
Бодунун баштайгы ажилчын базы-
мын Чөөн-Хемчик кожуннун Ийме-
ге «Ленин» аттыг колхозка бухгалтер-
леп ажилдап турда, 1961 чылда Со-
вет армияже келдирткен. 1964 чылда
шеригден халашкаш, Чөөн-Хемчик
кожууннун өөредилге килдизинге са-
накчы-бухгалтерлеп ажилдап тургаш,
комсомолчу путевка-биле шагдаа че-
ринге ОБХСС-ке (Отдел по борьбе

с хищениями социалистической
собственности) ажилдаары-биле

чоргускан. Шагдаа черинден 1971
чылда халашкаш, Барыин-
Хемчиктин мал-согар пунктуга
(Мясокомбинат) бухгалтерлеп ажил-
даан. Мал-согар чер дүшкен соонда,
1975 чылдын январь айдан эгелеп
кожууннун социал-хандырылга кил-
дизинге ажилдап киргеш 1998 чыл-
га чедир ажилдаан. 1994 чылдын ап-
рель айдан эгелеп хүндүлүг дышта-
нылгазында. Ол күш-ажылдың хо-
очуну, хөй чылдарда үре-түннелдиг,
ак-сеткилдиг ажылы дээш «Россия
Федерациязының социал-
хандырылгазының тергиини» - деп
хөрек демдээ-биле «Тыва АССР-
нин социал-хандырылгазының ал-
дарлыг ажилдакчызы» - деп
хүндүлүг атты тывыскан.